

Na osnovu člana V 3. d) Ustava Bosne i Hercegovine i saglasnosti Parlamentarne skupštine Bosne i Hercegovine (Odluka broj 01,02-05-2-1041/13 od 5. novembra 2013. godine), Predsjedništvo Bosne i Hercegovine na 42. redovnoj sjednici, održanoj 5. decembra 2013. godine, donijelo je

ODLUKU

O RATIFIKACIJI ZAJEDNIČKE IZJAVE O TUMAČENJU I PRIMJENI ČLANA 11. SPORAZUMA O SLOBODNOM TRANZITU PREKO TERITORIJE REPUBLIKE HRVATSKE U I IZ LUKE PLOČE I PREKO TERITORIJE BOSNE I HERCEGOVINE U NEUMU

Član 1.

Ratifikuje se Zajednička izjava o tumačenju i primjeni člana 11. Sporazuma o slobodnom tranzitu preko teritorije Republike Hrvatske u i iz Luke Ploče i preko teritorije Bosne i Hercegovine u Neumu, potpisana u Briselu, 19. juna 2013. godine, na bosanskom, hrvatskom i srpskom jeziku, te na službenom jeziku Republike Hrvatske - hrvatskom jeziku.

Član 2.

Tekst Zajedničke izjave glasi:

ZAJEDNIČKA IZJAVA

O TUMAČENJU I PRIMJENI ČLANA 11. SPORAZUMA O SLOBODNOM TRANZITU PREKO TERITORIJE REPUBLIKE HRVATSKE U I IZ LUKE PLOČE I PREKO TERITORIJE BOSNE I HERCEGOVINE U NEUMU

Bosna i Hercegovina i Republika Hrvatska, svjesne važnosti osiguranja uslova koji će olakšati prelazak zajedničke državne granice, uzimajući u obzir obaveze koje za Republiku Hrvatsku proizilaze iz njenog predstojećeg članstva u Evropskoj uniji, zakonodavstvo i standarde Evropske unije koji se odnose na kontrolu prelaska granice na graničnim prelazima kao i novi Ugovor između Bosne i Hercegovine i Republike Hrvatske o graničnim prelazima, koji će biti zaključen do datuma pristupanja Republike Hrvatske Evropskoj uniji, daju sljedeću izjavu o tumačenju i primjeni člana 11. Sporazuma o slobodnom tranzitu preko teritorije Republike Hrvatske u i iz Luke Ploče i preko teritorije Bosne i Hercegovine u Neumu, potpisanog 22. novembra 1998. godine:

Bosna i Hercegovina i Republika Hrvatska saglasne su da će od datuma pristupanja Republike Hrvatske Evropskoj uniji kontrolu saobraćaja u tranzitu, kako je definisan u Sporazumu o slobodnom tranzitu preko teritorije Republike Hrvatske u i iz Luke Ploče i preko teritorije Bosne i Hercegovine u Neumu, potpisanom 22. novembra 1998. godine i Protokolu o slobodnom i nesmetanom protoku saobraćaja u tranzitu kroz neumski koridor, potpisanom 11. decembra 2001. godine, nadležni organi Republike Hrvatske obavljati u skladu sa primjenjivom pravnom stečevinom Evropske unije, odnosno u skladu sa Ugovorom između

Kraljevine Belgije, Republike Bugarske, Češke Republike, Kraljevine Danske, Savezne Republike Njemačke, Republike Estonije, Irske, Republike Grčke, Kraljevine Španije, Republike Francuske, Republike Italije, Republike Kipar, Republike Latvije, Republike Litvanije, Velikog Vojvodstva Luksemburg, Republike Mađarske, Republike Malte, Kraljevine Holandije, Republike Austrije, Republike Poljske, Republike Portugal, Rumunije, Republike Slovenije, Slovačke Republike, Republike Finske, Kraljevine Švedske, Ujedinjenog Kraljevstva Velike Britanije i Sjeverne Irske (države članice Evropske unije) i Republike Hrvatske o pristupanju Republike Hrvatske Evropskoj uniji, potpisanim 9. decembra 2011. godine.

Sačinjeno u Briselu, dana 19.06.2013. godine, u dva originala, na službenim jezicima Bosne i Hercegovine - bosanskom, hrvatskom i srpskom jeziku i na hrvatskom jeziku, pri čemu su svi tekstovi jednako vjerodostojni.

Za Bosnu i Hercegovinu
Dr. Zlatko Lagumdžija

Za Republiku Hrvatsku
Vesna Pusić

Član 3.

Ova odluka će biti objavljena u "Službenom glasniku BiH - Međunarodni ugovori" na bosanskom, hrvatskom i srpskom jeziku i stupa na snagu danom objavljivanja.

Broj 01-50-1-3493-40/13
5. decembra 2013. godine
Sarajevo
Predsjedavajući
Željko Komšić, s. r.